

आकाशवाणी

खबरां छिवि रैणा कोला

पैहले खास-खास खबरां

1. 4 राज्यें ते इक केन्द्र शासित प्रदेश च विधानसभा चुनावं लेई प्रचार तेज होई गेआ ऐ।
2. चुनाव आयोग नै पच्छिम बंगाल विधानसभा चुनावं लेई 4 जहार 660 सहायक मतदान केन्द्रें दे निर्माण दी मंजूरी दिती।
3. उत्तर-प्रदेश पुलस नै लखनऊ थमां पाकिस्तान दे ISI कन्नै जुड़े आतंकी मॉडयूल दे 4 सदस्यें गी गिरफ्तार कीता।
4. भारतीय झंडे आहला इक होर एल.पी.जी टैंकर ग्रीन सानवी युद्धग्रस्त Strait of Hormuz गी पार करने दे बाद भारत बक्खी रवाना होआ।
5. पच्छिम बंगाल च चलदे (बददे) संघर्ष दे चलदे ईरान नै अमरीका दे 48 घंटे दे युद्ध विराम दे प्रस्ताव गी खारिज करी दिता।
6. श्याम सुन्दर स्वामी होरें बैंगकाँक च आयोजित विश्व तीरअंदाजी पैरा सीरिज च कैह दा तगमा जितेआ।
7. ते क्रिकेट च अज्ज IPL च दिल्ली कैपिटल्स दा मकाबला मुम्बई इंडियन्स कन्नै होग- जिसले जे गुजरात टाइटन्स दा मकाबला राजस्थान रायल्ज कन्नै होग।

<><><><><><>

Campaign Assembly Polls

चार राज्यें ते इक केन्द्र शासित प्रदेश च विधान सभा चुनाव लेई प्रचार तेज होई गया ऐ। केरलम च 9 अप्रैल गी होने आहले विधानसभा चुनावं कोला पैहले जोरदार चुनाव प्रचार चला रदा ऐ। प्रमुख राजनीतिक दलें दे मन्ने-परमन्ने दे राष्ट्रीय नेता राज्यभर दे महत्वपूर्ण चुनावी क्षेत्रें च चुनावी रैलियें दा नेतृत्व करा'रदे ना। प्रधानमंत्री ते BJP दे वरिष्ठ नेता नरेन्द्र मोदी होर अज्ज दपैहरी केरल पुज्जे जित्थे मोदी होर तिरुवल्ला ते तिरुवनंतपुरम च NDA दे चुनाव प्रचार च शामिल होए। उर्ने तिरुवल्ला स्टेडियम च इक जनसभा गी सम्बोधित किता जित्थे आहले-दोआले दे चुनावी क्षेत्रें दे NDA मेदवार ते पार्टी दे वरिष्ठ नेता बी मौजूद हे। एदे बाद प्रधानमंत्री तिरुवनंतपुरम पुजगंन ते शैहर दे

बिचो-बिच स्थित करमना थमां किल्लीपतम तोड़ी इक रोड शो दा नेतृत्व करडन। लोकसभा च विपक्ष दे नेता ते कांग्रेस दे वरिष्ठ नेता राहुल गांधी होरें अज्ज अलापुझा च इक जनसभा गी सम्बोधित किता- ओ इडुक्की ते एर्नाकुलम जिले दे बक्ख-बक्ख चुनावी क्षेत्रें च UDF दे चुनाव प्रचार च बी शामिल होगंन। केरल दे मुखमंत्रि ते CPI (M) दे वरिष्ठ नेता पिनारयी विजयन कन्नूर दे धर्मदोम चुनावी क्षेत्र च चुनाव प्रचार करा'रदे न जेल्ले ओ LDF मेदवार दे रुपे च चुनाव लड़ा रदे न। CPI (M) दे महासचिव M.A Baby होरे अज्ज कोट्टायम च LDF दे चुनावी कारजक्रम च शामिल होए। केरल च मंगलवार गी जन चुनाव प्रचार खत्म होने कन्नै गै केन्द्रीय मंत्रिये- मुखमंत्रिये ते होरनें प्रमुख प्रचारके सनें शीर्ष नेता पूरे राज्य च सक्रिय रुपे नै प्रचार करा'रदे न।

<><><><><><>

EC-Aux Polling Stns

निर्वाचन आयोग नै पच्छिम बंगाल च 4 जहार 660 सहायक मतदान केन्द्र कायम करने दी मंजूरी देई दिती ऐ- जित्थे मतदाताएं दी गिनतरी इक जहार 200 कोला मती ऐ। आयोग नै मतदाताएं दी स्थूलत लेई 321 मतदान केन्द्रें गी शिफ्ट करने दी बी मंजूरी देई दिती ऐ। पच्छिम बंगाल च सहायक मतदान केन्द्रें सनें मतदान केन्द्रें दी कुल गिनतरी 85 जहार 379 होई गई ऐ। निर्वाचन आयोग नै इस सरबंधे च राज्य दे मुख चुनावी अधिकारी होरें गी इक चिट्ठी लिखी दी ऐ।

<><><><><><>

TMC Leader Arrested

Deuli-I ग्राम पंचैत दे प्रधान ते TMC नेता हफीजुल मोल्ला गी पच्छिम बंगाल च मतदाताएं गी कथित तौरा पर धकाने दे आरोप च गिरफ्तार कीता गेआ ऐ। उन्दे पर दक्खनी 24 Pargavas जिले च अपने वरोधिये गी धमकाने दा आरोप लाया गेआ हा। चुनावी आयोग दे इक अधिकारी नै दस्सेआ जे पच्छिम बंगाल पुलस- आरोपिये खलाफ लोडचदी कनूनी कारवाई करोग।

<><><><><><>

UP -ISI Module

उत्तर प्रदेश पुलिस नै ISI कन्नै जुड़े दे इक बड़े आतंकी ISI Module दा परदाफाश करदे होई लखनऊ थमां 4 संदिग्ध गिरफ्तार किते गे न जेड़े कथित तौरा पर रेलवे स्टेशनें सनें महत्वपूर्ण थाहरें पर धमाके करने दी योजना बना'रदे हे। उत्तर-प्रदेश पुलिस नै आतंकवाद विरोधी दस्ते दे मुताबक चारो संदिग्धे गी कल गिरफ्तार कीता । इनें आतंकवादिये रेलवे सिग्नल BOX- भीड़ भड़के आहली थाहरें- गैस सिलेंडरें कन्नै लद्दे दे वाहनें ते प्रतिष्ठित संगठनें दे परिसरें च धमाके करियै दहशत फैलाने दी योजना बनाई ही ते उन्दा पैहला निशाना लखनऊ रेलवे स्टेशन हा। इनें चारें संदिग्धे दी पंछान मेरठ निवासी साकिब उर्फ डेविड ते अरबाब ते गौतम बुद्ध नगर दा रौहने आहला विकास गहलोट Likesh दे रुपै च होई ऐ। नाई दा कम्म करने आहला साकिब गिरोह दा सरगना हा ते ओ टेलीग्राम- इंस्टाग्राम ते होरनें सोशल मीडिया प्लेटफर्म राएं अपने पाकिस्तानी संचालके दे सम्पर्क च हा।

<><><><><><>

LPG Tanker –Green Sanvi

भारतीय ध्वज आहला LPG टैंकर ग्रीन सानवी युद्ध ग्रस्त Strait of Hormuz गी सुरक्षित रुपै नै पार करियै भारत दी बक्खी अगगे बदा'रदा ऐ। सरकारी सूत्रें मताबक पच्छिम एशिया संघर्ष शुरु होने दे बाद थमां गै Strait of Hormuz गी पार करने आहला ग्रीन सानवी सतमां भारत उन्मुख LPG टैंकर ऐ। पच्छमी फारस दी खाड़ी क्षेत्र च कुल 17 भारतीय झंडे आहले जहाज जिंदे च 400 थमां मते भारतीय नाविक सवार न।

<><><><><><>

PM -TN BJP Leaders

सोमवार गी नामांकन प्रक्रिया समाप्त होने थमां पैहले प्रधानमंत्री ते BJP दे वरिष्ठ नेता नरेन्द्र मोदी होरें चेन्नई च राज्य BJP दे वरिष्ठ नेताएं कन्नै चर्चा कीती। केन्द्रीय राज्य मंत्री डाक्टर एल. मुरुघन- साबका राज्यपाल तमिलिसाई सौंदराजन- BJP दे प्रदेश अध्यक्ष नैनार नागेन्द्रन- साबका प्रदेश BJP नेता अन्नामलाई ते वनथी श्रीनिवासन बैठक च उपस्थित हे।

एदे कोला पैहले उ'नें अज्ज बड़डलै पार्टी दे महत्वपूर्ण व्यक्तिये ते वरिष्ठ नेताएं कन्नै मुलाकात कीती। श्री मोदी होरें रमेश विनायकम ते उन्दे परोआर कन्नै बी मुलाकात

कीती। रमेश संगीतकार- संगीत शिक्षक ते संगीत चिकित्सक न। ओ पार्श गायक बी हैन। उ'नें भारतीय शास्त्रीय संगीत च इक किस्मा दे अलंकारण- गमक Box दा Patent बी कराया ऐ- जेड़ा गै उन्दा अविशष्कार ऐ। बाद च प्रधानमंत्री कोच्चि लेई रवाना होई गे जित्थे ओ तिरुवल्ला ते तिरुवनंतपुरम च NDA दे चुनाव प्रचार च शामिल होगंन।

<><><><><><>

Iran –US

ईरान नै अमरीका दे 48 घंटे दे युद्धविराम दे प्रस्ताव गी औपचारिक रुपें नै खारिज करी दिता ऐ- जिस करी पच्छिम एशिया च बद्दे संघर्ष दे चलदे तेहरान दा रुप होर कड़ा होई गेआ ते क्षेत्र च होर मती अस्थिरता दी आशंका बदी गई ऐ। रिपोर्टें मुजब ईरान ने अमरीका दे 48 घंटे दे युद्ध विराम दे प्रस्ताव गी औपचारिक रुपें नै अस्वीकार करी दिता ऐ। एह प्रस्ताव इक त्रीये देश दे माध्यम राएं भेजेया गया हा। मगरा तेहरान नै रुकने दे बजाय जमीनी स्तर पर अभियान तेज करी दिता ऐ। अमरीका दी तरफा इस अस्वीकृति पर कोई सार्वजनिक टिप्पणी नैई आई ऐ। हालांकि अमरीकी ते इजरायली सेना नै ईरान दे अंदर नमें हमले करियै दबाव बनाए रखेया ऐ ते ईरानी अधिकारियें महत्वपूर्ण बुनियादी ढांचे कोल अतिरिक्त जानी नुकसान दी सूची दिती ऐ। एह अस्वीकृति नेह समय च आई ऐ जिसलै ईरान दी सेना नै हाल च गै केई सफलताएं दा दावा कीता ऐ- जिंदे च पिच्छले किश घंटे च इक F-15 लड़ाकू विमान ते एक A-10 Thunderbolt जमीनी सहायता विमान पर हमले शामिल न ते अपनी शर्ता पूरी होने तोड़ी अभियान जारी रखने दी कसम खादी ऐ।

<><><><><><>

FCRA Bill

केन्द्रीय मंत्री किरण रिजिजू होरें अज्ज आखेआ जे विदेशी अंशदान (विनियमन) संशोधन विधेयक 2026 गी लेइयै कुसै बी किस्मा दी गलतफहमी गी दूर कीता जाहग। उ'नें इस गल्ल पर जोर भरेया जे उल्लंघन करने आहले दे खलाफ कड़ी कारवाई किती जाग। मगरा देश दे कल्याण लेई कम्म करने आहले संगठनें गी परेशान नैई कीता जाग। उ'नें एह बी आखेआ जे ईसाई Missionarieएं आसेआ पुट्टे गे मुद्दे पर ध्यान दिता जाग। श्री रिजिजू होरें केरलम दौरे दौरान आखेआ जे प्रधानमंत्री नरेन्द्र मोदी होर हर इक

भारतीय दे कल्याण लेई प्रतिबद्ध ऐन। उ'नें बक्ख-बक्ख हितधारकें कन्नै गल्लबाट कीती।

<><><><><><>

CPI (M)

माक्सवादी कम्युनिस्ट पार्टी नै 2026 च होने आले पुद्दुचेरी विधानसभा चुनाएं लेई अपना घोषणा पत्र जारी कीता ऐ- जेहदे च पुद्दुचेरी गी पूर्ण राज्य दा दर्जा देने- मकामी निकाएं च महिलायें लेई 50 प्रतिशत आरक्षण यकीनी बनाने ते मातृभाषा पर आधारित शिक्षा गी बढ़ावा देने पर ध्यान केन्द्रीत कीता गेआ ऐ। पार्टी नै इक बक्खरे राज्य शिक्षा बोर्ड दे गठन दी बी तजवीज कीती ऐ- जेहदे च बजट दा 6 प्रतिशत शिक्षा गी दिता जाहग ते मकामी शासन गी मजबूत करने लेई इखतेयारें दे विकेन्द्रीकरण गी बधाय जा।

<><><><><><>

World Archery Para Series

बैंकॉक च आयोजित विश्व तीरअंदाजी पैरा सीरिज च भारतीय तीरअंदाज श्याम सुन्दर स्वामी होरें पुरुष Compound व्यक्तिगत स्पर्धा च कैह दा तगमा जितेआ। स्वामी नै साथी भारतीय तीरअंदाज ते पेरिस पैराओलम्पिक दे कैह तगमा जेतू राकेश कुमार गी Tie Break च हराया- जिसलै दौने दे इक सौ तरताली अंक बराबर हे। राकेश कुमार कैह तमगे दे मैच च स्वामी थमां हारने दे बाद चौथी थाहर पर रेह। बैंकॉक च आयोजित इस प्रतियोगिता कोला पैहले हाल च इस्सै थाहर पर एशिया कप दा पैहला चरण होआ हा- जित्थे भारत नै दो सुन्ने ते 4 चांदी सनें 10 तमगे जितियै शानदार प्रदर्शन कीता ऐ।

<><><><><><>

IPL

IPL च अज्ज सीजन दा 9मां मैच हुनै कोला किश चिर मगरा नरेन्द्र मोदी स्टेडियम च राजस्थान रायल्स दा मुकाबला गुजरात टाइटन्स कन्नै होग। अज्ज दा एह दूआ ते शामी साइडे 7 बजे शुरु होग । अज्ज गै इस सीजन दा 8मां मैच दपैहरी दिल्ली दे

अरुण जेटली स्टेडियम च दिल्ली कैपिटल्स ते मुम्बई इंडियन्स बश्कार खेडेया गया जिंसी मुम्बई इंडियन्स नै 6 विकेटें कन्ने जिती लैता। कल संजा चेन्नेई दी एम. ए चिदम्बरम स्टेडियम च खेड्ढे गेदे इक मैच पंजाब किंग्स नै चेन्नेई सुपर किंग्स गी 5 विकेटें कन्ने रहाई दिता। जित लेई लोड्चदे 210 रन्ज दे लक्ष दा पिच्छा करदे होई पंजाब दी टीमै 18 ओवर ते 4 गेंदें पर गै 5 विकेटें दे नुक्सान पर जित अपने नां करी लैती। चेन्नेई दी टीम नै पैहले बल्लेबाजी करदे होई 20एं ओवरें च 5 विकेटां मोआड़्यै 209 रन्ज बनाए हे।

<><><><><><>